



DEPUTACIÓN PROVINCIAL
A CORUÑA

Acta da sesión Plenaria de Organización
celebrada o día 23 de xullo de 2019

ORDE DO DÍA

Orde do día dos asuntos que a tratar na sesión Plenaria de organización que terá lugar o martes, 23 de xullo de 2019, as 12.00 horas.

ASUNTOS

1. Aprobación da acta da sesión constitutiva, número 7/19 do 1 de xullo.

Asuntos para coñecemento do Pleno:

2. Toma de coñecemento da constitución dos grupos políticos e da designación dos seus integrantes e portavoces.

3. Toma de coñecemento da resolución da Presidencia sobre o nomeamento de membros da Xunta de Goberno

4. Toma de coñecemento da resolución da Presidencia sobre o nomeamento de vicepresidente

5. Toma de coñecemento da resolución da Presidencia sobre a delegación de atribucións do presidente na Xunta de Goberno.

6. Toma de coñecemento da resolución da Presidencia sobre a delegación de atribucións do presidente en membros da Xunta de Goberno.

Asuntos para acordo do Pleno:

7. Proposta sobre o réxime de sesións do Pleno e da Xunta de Goberno

8. Proposta sobre a creación, composición e réxime de sesións das Comisións Informativas Permanentes

9. Proposta sobre as delegacións de competencias do Pleno na Xunta de Goberno.

10. Proposta sobre o nomeamento de representantes da Deputación en organismos varios.

11. Proposta sobre o réxime de retribucións e indemnizacións dos membros da Corporación provincial

12. Proposta sobre a determinación do número, características e retribucións do persoal eventual

13. Proposta de asignación aos grupos políticos provinciais.

Acta da sesión de organización celebrada pola Excma. CORPORACIÓN PROVINCIAL o 23/07/2019.

No salón de sesións do pazo provincial da Coruña, o día 23/07/2019, reúnese a Excma. Corporación provincial para celebrar sesión de organización.

Preside: Valentín González Formoso

Deputados/as

Asistentes:

Agustín Hernández Fernández de Rojas	PP
Alberto Lema Suárez	Marea Atlántica
Ana Lamas Villar	PSOE
Ángel García Seoane	Alternativa dos veciños
Antonio Fernández Angueira	PP
Antonio Leira Piñeiro	PSOE
Bernardo Fernández Piñeiro	PSOE
Cristina Capelán Cancelo	PSOE
Dalia García Couso	PP
Evaristo Ben Otero	PP
Germán Castrillón Permuy	PP
José Blas García Piñeiro	PSOE
José Carlos Calvelo Martínez	PP
Jose Luis Fernández Mouriño	PP
José Manuel Lage Tuñas	PSOE
José Manuel Pequeño Castro	PSOE
José Muiño Domínguez	PP
José Pablo González Cacheiro	PP
José Ramón Rioboo Castro	PSOE
Manuel María Durán Guillán	PP
María Beatriz Molinos Vidal	PP
María del Carmen Muiño Filgueira	BNG
María Milagros Castro Sánchez	PSOE
Martina Aneiros Barros	PP
Roberto Rodríguez Martínez	PP
Rosa M ^a Gallego Neira	PP
Sandra González Castro	PSOE
Xosé Luis Penas Corral	BNG
Xosé Regueira Varela	BNG
Xosé Xurxo Couto Rodríguez	BNG

Secretaría: José Luis Almau Supervía

Interventor: José Manuel Pardellas Rivera

Aberto o acto ás 12:00 horas, o Sr. Secretario le os asuntos incluídos na orde do día, en relación aos cales, por unanimidade, excepto nos casos en que se indique, adoptáronse os seguintes acordos:

1.- APROBACIÓN DA ACTA DA SESIÓN CONSTITUTIVA, NÚMERO 7/19 DO 1 DE XULLO.

Apróbase, por unanimidade, a acta da sesión constitutiva, número 7/19 do 1 de xullo

2.- TOMA DE COÑECEMENTO DA CONSTITUCIÓN DOS GRUPOS POLÍTICOS E DA DESIGNACIÓN DOS SEUS INTEGRANTES E PORTAVOCES.

O Pleno toma coñecemento do seguinte:

"Visto que o artigo 23 do Regulamento Orgánico da Deputación Provincial da Coruña (RODC), concordante co artigo 25 do Regulamento de organización, funcionamento e réxime xurídico das entidades locais, aprobado polo Real Decreto 2568/1986, de 28 de novembro (ROF), dispón que "da constitución dos grupos políticos e das persoas que os integraren e portavoces, a Presidencia dará conta ao Pleno na primeira sesión que teña lugar tras cumprirse o prazo" legalmente establecido.

Cumpridos os requisitos establecidos no artigo 73.3 da Lei 7/1985, do 2 de abril, reguladora das bases do réxime local (LBRL) e no artigo 23 RODC, concordante co artigo 24 ROF, normas aplicables á constitución dos grupos políticos provinciais,

DOU CONTA AO PLENO

de que quedan constituídos os grupos políticos cos/coas integrantes e portavoces que a seguir se sinalan:

"Grupo Popular", integrado polos/as catorce deputados/as elixidos/as polo Partido Popular de Galicia

Portavoz: Rosa María Gallego Neira.

Portavoces suplentes: Calquera deputado/a do Grupo Popular.

"Grupo Socialista", integrado polos once deputados elixidos polo Partido dos Socialistas de Galicia-PSOE

Portavoz: Bernardo Fernández Piñeiro

Portavoces suplentes: Cristina Capelán Cancelo, María Milagros Castro Sánchez, José Blas García Piñeiro, Sandra González Castro, Valentín González Formoso, José Manuel Lage Tuñas, Ana Lamas Villar, Antono Leira Piñeiro, José Manuel Pequeño Castro y José Ramón Rioboo Castro.

"Grupo Bloque Nacionalista Galego", integrado polos/as catro deputados/as elixidos/as polo Bloque Nacionalista Galego.

Portavoz: María del Carmen Muiño Filgueira.

Portavoces suplentes: Xosé Xurxo Couto Rodríguez, Xosé Luis Penas Corral e Xosé Regueira Varela.

"Grupo Marea Atlántica", integrado polo deputado elixido pola Marea Atlántica.

Portavoz: Alberto Lema Suarez.

"Grupo Alternativa dos Veciños", integrado polo deputado elixido pola Alternativa dos Veciños

Portavoz: Ángel García Seoane."

3.- TOMA DE COÑECEMENTO DA RESOLUCIÓN DA PRESIDENCIA SOBRE O NOMEAMENTO DE MEMBROS DA XUNTA DE GOBERNO

A Corporación toma coñecemento da Resolución da Presidencia número 24473, do 16.07.2019, que literalmente di:

"Visto que o artigo 35 da Lei 7/1985, do 2 de abril, reguladora das Bases do Réxime Local (LBRL) determina que a Xunta de Goberno se integra polo Presidente e un número de deputados non superior ao tercio do número legal dos mesmos, nomeados e separados libremente por aquel, dando conta ao Pleno. Esta mesma previsión atópase no número 4 do artigo 104 da Lei 5/1997, do 22 de xullo, de Administración Local de Galicia (LALGa) e nos números 1 e 2 do artigo 49 do Regulamento Orgánico da Deputación Provincial da Coruña (RODC), concordante co artigo 72 do Regulamento de Organización, Funcionamento e Réxime Xurídico das Entidades Locais, aprobado polo Real Decreto 2568/1986, de 28 de novembro (ROF).

Engade o número 4 do artigo 49 RODC que os nomeamentos e cesamentos serán adoptados coas formalidades prescritas no artigo 43 RODC, é dicir, mediante resolución da que se dará conta ao Pleno na primeira sesión que celebre e que será notificada persoalmente aos designados e publicada no Boletín Oficial da Provincia, sen prexuízo da súa efectividade desde o día seguinte ao da sinatura da resolución polo Presidente, se na mesma non se dispón outra cousa.

En consecuencia,

RESOLVO:

A Xunta de Goberno da Deputación Provincial da Coruña comporase do Presidente da Deputación e dos dez deputados seguintes:

D. Xosé Regueira Varela

D^a Cristina Capelán Cancelo

D. Bernardo Fernández Piñeiro

D. José Blas García Piñeiro

D^a Ana Lamas Villar

D. Antonio Leira Piñeiro

D. José Manuel Pequeño Castro

D. José Ramón Rioboo Castro

D. Xosé Xurxo Couto Rodríguez

D. Xosé Luis Penas Corral

A presente resolución será notificada de inmediato aos designados e publicada no

Boletín Oficial da Provincia. Dela darase conta ao Pleno na primeira sesión que celebre."

4.- TOMA DE COÑECEMENTO DA RESOLUCIÓN DA PRESIDENCIA SOBRE O NOMEAMENTO DE VICEPRESIDENTE

A Corporación toma coñecemento da Resolución da Presidencia número 22673, do 01.07.2019, que literalmente di:

"Don Valentín González Formoso, Presidente da Deputación Provincial da Coruña,

Vistos os artigos 34, número 3, e 35, número 4, da Lei 7/1985, do 2 de abril, reguladora das Bases do Réxime Local (LBRL), así como o artigo 104, número 2, da Lei 5/1997, do 22 de xullo, de Administración Local de Galicia (LALGa) e os artigos 43, 44 e 45 do Regulamento Orgánico da Deputación Provincial da Coruña (RODC), concordantes cos artigos 66, 67 e 68 do Regulamento de Organización, Funcionamento e Réxime Xurídico das Entidades Locais, aprobado polo Real Decreto 2568/1986, de 28 de novembro (ROF).

Tendo en conta a urxente necesidade de prever canto antes a substitución do Presidente da Deputación nos casos legalmente determinados, mesmo antes de dispor definitivamente sobre a organización da Deputación e sinaladamente sobre a composición da Xunta de Goberno,

En consecuencia,

RESOLVO:

Nomear membro da Xunta de Goberno e Vicepresidente Primeiro e único da Deputación Provincial da Coruña ao deputado don Xosé Regueira Varela.

En ulterior Resolución determinarase a composición definitiva da Xunta de Goberno aos efectos do previsto no número 1 do artigo 35 LBLR sobre a constitución dese órgano.

Esta Resolución será efectiva desde o día 1 de xullo de 2019.

A presente resolución será notificada de inmediato ao designado e publicada no Boletín Oficial da Provincia. Da mesma darase conta ao Pleno na primeira sesión que celebre."

5.- TOMA DE COÑECEMENTO DA RESOLUCIÓN DA PRESIDENCIA SOBRE A DELEGACIÓN DE ATRIBUCIÓNS DO PRESIDENTE NA XUNTA DE GOBERNO.

A Corporación toma coñecemento da Resolución da Presidencia número 24474, do 16.07.2019, que literalmente di:

"Visto que os artigos 34.2 e 35.2 da Lei 7/1985, do 2 de abril, reguladora das Bases do Réxime Local (LBRL), o artigo 105.2 da Lei 5/1997, do 22 de xullo, de Administración Local de Galicia (LALGa) e o artigo 40.2 do Regulamento Orgánico da Deputación Provincial da Coruña (RODC), concordante co artigo 63.2 do Regulamento de Organización, Funcionamento e Réxime Xurídico das Entidades Locais, aprobado por Real Decreto 2568/1986, do 28 de novembro (ROF), prevén que o Presidente da Deputación poida delegar determinadas atribucións na Xunta de

Goberno,

RESOLVO:

Delegar as seguintes atribucións do Presidente na Xunta de Goberno:

- A aprobación da oferta de emprego público de acordo co orzamento e o cadro de persoal aprobados polo Pleno, a aprobación das bases das probas para a selección do persoal e para os concursos de provisión de postos de traballo e a distribución das retribucións complementarias que non sexan fixas e periódicas (LBRL, 34.1.g), excluídas gratificacións e horas extraordinarias.
- A adquisición de bens inmoables e a de mobles de valor histórico-artístico que se adquiran por esta cualificación.
- A emisión de informes requiridos á deputación por diversas normas e que non sexan competencia do pleno.
- A aprobación das bases de subvencións, cuxa competencia corresponda inicialmente ao presidente.
- Informar do proxecto de orzamento antes de remitilo ao pleno para a súa aprobación inicial.

A delegación das atribucións sinaladas inclúe, en cada caso, a facultade de resolver os recursos de reposición que puideran interpoñerse e rexerese especificamente polos artigos 86 a 90 RODC. Surtirá efecto a partir do día da sinatura desta Resolución. Non obstante, os procedementos que estivesen xa iniciados nesa data, inda que pertencen ó ámbito inicial da delegación, serán resoltos en todo caso polo Presidente da Deputación, quen solucionará ademais os conflitos e as dúbidas que da aplicación dos actos delegados poidan xurdir.

Esta resolución será publicada no Boletín Oficial da Provincia e da mesma darase conta ao Pleno na primeira sesión que celebre."

6.- TOMA DE COÑECEMENTO DA RESOLUCIÓN DA PRESIDENCIA SOBRE A DELEGACIÓN DE ATRIBUCIÓN DO PRESIDENTE EN MEMBROS DA XUNTA DE GOBERNO.

A Corporación toma coñecemento da Resolución da Presidencia número 24475, do 16.07.2019, que literalmente di:

"Visto que os artigos 34.2 e 35.3 da Lei 7/1985, do 2 de abril, reguladora das Bases do Réxime Local (LBRL) e os artigos 40.3, 41 e 42 do Regulamento Orgánico da Deputación Provincial da Coruña (RODC), concordantes cos artigos 63.3, 64 e 65 do Regulamento de Organización, Funcionamento e Réxime Xurídico das Entidades Locais, aprobado por Real Decreto 2568/1986, do 28 de novembro (ROF), prevén que o Presidente poida delegar determinadas atribucións nos deputados membros da Xunta de Goberno,

RESOLVO:

Conferir as seguintes delegacións xenéricas a prol dos deputados e membros da Xunta de Goberno que se indican para a dirección e xestión das áreas de goberno

provincial que a seguir se relacionan:

1. Deputado de Economía, Facenda, Contas, Persoal e Réxime Interior: Don Antonio Leira Piñeiro.

2. Deputada de Benestar Social e Educación: Dona Ana Lamas Villar.

Baixo a supervisión da deputada responsable desta área, atribúese delegación especial en materia de Educación a Dona Sandra González Castro.

3. Deputado de Promoción Económica e Asistencia a Municipios: Don José Blas García Piñeiro.

Baixo a supervisión do deputado responsable desta área, atribúese delegación especial en materia de Asistencia a Municipios a Don José Manuel Lage Tuñas.

4. Deputado de Cooperación, Plans Provinciais Xerais, Turismo e Patrimonio Histórico e Cultural: Don Xosé Regueira Varela

5. Deputado de Infraestruturas Viarias, Vías e Obras Provinciais: Don José Manuel Pequeño Castro.

6. Deputado de Cultura, Políticas de Igualdade de Xénero e Normalización Lingüística: Don Xosé Xurxo Couto Rodríguez

Baixo a supervisión do deputado responsable desta área, atribúese delegación especial en materia de políticas de igualdade e normalización lingüística a Dona María del Carmen Muiño Filgueira.

7. Deputada de Deporte e Xuventude: Dona Cristina Capelán Cancelo.

Baixo a supervisión da deputada responsable desta área, atribúese delegación especial en materia de xuventude a dona Sandra González Castro.

8. Deputado de Contratación, Patrimonio Provincial e Equipamento: Don Xosé Luis Penas Corral.

9. Deputado de Transición Ecolóxica, Emprego e Territorio Sostible: Don José Ramón Rioboo Castro.

As delegacións xenéricas que se outorgan comprenden, no ámbito das áreas asignadas, a dirección, inspección e impulso de obras e servizos, así como a execución das disposicións de carácter xeral e dos actos e acordos dos órganos de goberno, coidando da súa publicación e podendo recabar para tales tarefas os asesoramentos técnicos necesarios. Atribúese aos deputados delegados a facultade de asinar os protocolos e convenios relativos ás materias delegadas

As delegacións inclúen o recoñecemento aos deputados delegados de amplias facultades de proposta en materias tales como:

- consignación dos créditos necesarios para a súa xestión no proxecto de orzamento provincial ou nas modificacións de crédito cuxa aprobación corresponda ao Pleno ou ao Presidente;

- proxectos de obras e prescricións técnicas dos servizos previstos no orzamento e asignados á súa área; gasto e facturas que deba aprobar o órgano competente,

previos os informes preceptivos;

- bases de convocatoria das subvencións previstas no orzamento provincial cuxa xestión lle estea encomendada;
- organización e xestión do persoal adscrito ás áreas asignadas;
- nomeamento e cesamento do persoal eventual adscrito á área asignada;
- textos de ordenanzas e regulamentos aplicables directamente na súa área.

Os deputados delegados participarán, sempre que sexa posible, nos organismos de coordinación e xestión administrativa, comisións de seguimento ou outros, en canto afecte ás áreas que pola presente resolución se lles asignan.

Estas delegacións surtirán efecto a partir do día da sinatura desta resolución e rexeranse especificamente polos artigos 86 a 90 RODC no que se refire á súa aceptación, revogación, modificación, facultades do órgano delegante, prohibición de subdelegación e prazo, sen prexuízo da aplicación supletoria da normativa xeral sobre réxime local e procedemento administrativo.

O Presidente da Deputación resérvase expresamente a facultade de resolver mediante actos administrativos que afecten a terceiros e solventará sen máis trámite os conflitos e as dúbidas que da aplicación dos actos delegados poidan xurdir.

Esta resolución será notificada aos deputados delegados para a súa aceptación, será publicada no Boletín Oficial da Provincia e da mesma darase conta ao Pleno na primeira sesión que celebre."

7.- PROPOSTA SOBRE O RÉXIME DE SESIÓNS DO PLENO E DA XUNTA DE GOBERNO

INTERVENCiónS

Sr. Lema Suárez

Desde Marea Atlántica queremos facer unha serie de consideracións sobre o acordo que se trae hoxe a votación. Cando tivemos a oportunidade de negociar o acordo de organización, nós fixemos saber cales eran as nosas demandas, algo que non debe coller por sorpresa a ninguén, porque eran exactamente as mesmas que fixemos hai catro anos a través dos compañeiros que me precederon: o reforzo de recursos de persoal para realizar o traballo de control e fiscalización do goberno que temos encomendado, non acadamos o noso obxectivo, pero ofrecéusenos unha solución alternativa que aceptamos.

En todo caso, como representante da Marea Atlántica nesta institución, como o meu persoal eventual, somos subscritores dun código ético polo que se establece un tope salarial máximo de 35.000 euros anuais, máis as actualizacións debidas do IPC, sendo o excedente destinado a fins sociais ou ao mantemento da nosa organización. Este código ético non sae da nada, senón que é o símbolo de todo un xeito de entender o servizo público como un acto de compromiso co ben común, unha lóxica completamente allea a calquera tentativa de lucro persoal.

Dito o anterior, o que descoñecemos, ata este mesmo luns, era o alcance do conxunto dun acordo de organización no que basicamente o que se nos propón que votemos é a duplicación do número de dedicacións exclusivas, que pasa de nove a dezasete, para un goberno que conserva exactamente o mesmo número de áreas que o anterior, é dicir, nove. Esta duplicación parécenos excesiva, por iso anunciamos a nosa abstención neste punto.

VOTACIÓN

Votan a favor: 30 deputados (14 do PP, 11 do PSOE, 4 do BNG e 1 de Alternativa dos Veciños)

Votan en contra: ningún deputado

Abstéñense: 1 deputado (Marea Atlántica)

ACORDO

O Pleno por maioría, cos votos a favor do PP, PSOE, BNG e Alternativa dos Veciños e a abstención de Marea Atlántica, adopta o seguinte acordo:

"Visto que o artigo 46.2.a da Lei 7/1985, do 2 de abril, reguladora das Bases do Réxime Local (LBRL), ordena que o Pleno das Deputacións Provinciais celebre sesión ordinaria como mínimo cada mes e que, por outra banda, o artigo 35 do Regulamento Orgánico da Deputación Provincial da Coruña (RODC), concordante co artigo 58 do Regulamento de Organización, Funcionamento e Réxime Xurídico das Entidades Locais, aprobado por Real Decreto 2568/1986, do 28 de novembro (ROF), atribúe ao Pleno a decisión sobre o réxime de sesións do Pleno e da Xunta de Goberno,

Eleva ao Pleno a seguinte PROPOSTA de acordo:

1º. RÉXIMEN DE SESIÓNS DO PLENO.- As sesións ordinarias do Pleno da Deputación Provincial celebraranse con periodicidade mensual, o último venres de cada mes, ás doce horas. Se o día sinalado fose inhábil, a sesión ordinaria celebrárase o inmediatamente anterior hábil, ás doce horas. Non obstante, a sesión ordinaria correspondente ao oitavo mes de 2019 celebrárase o día 13 de setembro de 2019 ás doce horas.

2º. RÉXIMEN DE SESIÓNS DA XUNTA DE GOBERNO.- As sesións ordinarias da Xunta de Goberno celebraranse o primeiro e o terceiro venres de cada mes, ás doce horas. Se o día sinalado fose inhábil, a sesión ordinaria celebrárase o inmediatamente anterior hábil, ás doce horas. Non obstante, o presidente, mediante resolución conforme ao disposto no artigo 84.3 RODC concordante co artigo 112.3 ROF, ou a propia Xunta de Goberno, con antelación suficiente, poderán modificar os días e horas de celebración das sesións ordinarias, mantendo a periodicidade quincenal."

8.- PROPOSTA SOBRE A CREACIÓN, COMPOSICIÓN E RÉXIME DE SESIÓNS DAS COMISIÓNS INFORMATIVAS PERMANENTES

O Pleno adopta, por unanimidade, o seguinte acordo:

"Visto o disposto nos artigos 103.1.b) e 212 da Lei 5/1997, do 22 de xullo, de

Administración Local de Galicia (LALGa), o primeiro dos cales remite aos artigos 66 a 68 da mesma LALGa e, por outra banda, o previsto nos artigos 94 a 103 do Regulamento Orgánico da Deputación Provincial da Coruña (RODC),

Eleva ao Pleno a seguinte PROPOSTA de acordo:

PRIMEIRO.- As Comisións Informativas Permanentes da Deputación Provincial da Coruña serán nove, coa denominación e atribucións que a seguir se sinalan:

1 - Comisión de Economía, Facenda, Especial de Contas, Persoal e Réxime Interior.

A súa competencia refírese fundamentalmente ás seguintes materias: orzamento e expedientes de modificación de créditos, contas, ingresos (propios e doutros entes públicos), gastos de competencia do pleno, operacións de crédito, inventarios, balances, ordenanzas fiscais, e calquera outro asunto de natureza económico-financeira, así como ao estudo de todos os asuntos relacionados coa función pública, funcionarios, persoal laboral, persoal eventual, relacións sindicais, seguridade e hixiene, protocolo e relacións públicas.

2 - Comisión de Benestar Social e Educación.

Estudará as cuestións relacionadas con plans, convenios e actuacións en garantía de prestación de servizos sociais de competencia municipal e de equilibrio intermunicipal, as relacionadas co apoio económico, técnico e xurídico aos concellos para a implantación e funcionamento dos devanditos servizos, a creación e xestión de servizos sociais de atención especializada supramunicipais ou supracomarcais; financiamento de programas de servizos sociais das entidades de iniciativa social; educación e bolsas de estudos; promoción da solidariedade entre institución e cidadáns e dos mesmos entre si.

3 - Comisión de Promoción Económica e Asistencia a Municipios.

As súas atribucións serán as de fomento e promoción de temas relacionados cos distintos sectores económicos, apoio ao pequeno comercio, prestación de servizos de proximidade, modernización e instalacións comerciais e similares, protección ao sector pesqueiro, acuicultura e cultivos mariños, fomento agropecuario, agricultura, fomento do asociacionismo. Asemade, asuntos relacionados coa prestación e desenvolvemento de servizos supramunicipais ou comarcais, sinaladamente os Grupos de Emerxencias Supramunicipais e o Consorcio Provincial de Extinción de Incendios e Salvamento. Súmase, tamén, a asistencia e cooperación técnica, económica e xurídica aos concellos.

4 - Comisión de Cooperación. Plans provinciais Xerais, Turismo e Patrimonio Histórico e Cultural.

Abarca o estudo dos expedientes referidos a plans provinciais xerais, cooperación ás obras e servizos municipais, promoción e dinamización turística, promoción de xeodestinos da provincia e turismo de calidade, feiras e eventos de visibilización turística da provincia e posta en valor dos recursos turísticos; e a promoción do patrimonio histórico-artístico e cultural da provincia.

5 - Comisión de Infraestruturas Viarias, Vías e Obras Provinciais.

A súa competencia circunscríbese a asuntos relacionados coas estradas e camiños

provinciais, autorizacións, licencias de obras e tódolos proxectos relacionados con eles, ademais dos expedientes de expropiacións forzosas e urbanismo.

6 - Comisión de Cultura, Políticas de Igualdade de Xénero e Normalización Lingüística.

As súas atribucións serán as de ditame, estudo, informe ou consulta sobre as materias relativas a arquivos, bibliotecas, museos, exposicións e concursos, fomento das artes escénicas e musicais, programas de actividades culturais dirixidos aos concellos ou en colaboración con outras entidades e organismos, e as subvencións culturais. Ademais terá competencias en materia de Políticas de Igualdade e nas políticas e plans de Normalización Lingüística.

7 - Comisión de Deporte e Mocidade.

As súas atribucións serán as de ditame, estudo, informe ou consulta sobre as materias relativas ao deporte e á mocidade, programas de actividades deportivas dirixidas aos concellos ou en colaboración con outras entidades, organismos ou asociacións, subvencións en materia deportiva e promoción da participación dos mozos na vida política, socioeconómica e cultural.

8 - Comisión de Contratación, Patrimonio Provincial e Equipamento.-

A súa competencia refírese ao patrimonio provincial e a expedientes de contratación de obras, servizos e subministración, así como todos os proxectos relacionados coas devanditas obras e plans a desenvolver na provincia.

9 - Comisión de Transición Ecolóxica, Emprego e Territorio Sostible.

As súas competencias referiranse fundamentalmente ás seguintes materias: Fundación Axencia Enerxética Provincial de Coruña (FAEPAC), transición ecolóxica, cambio climático e crecemento sostible, mobilidade, reto demográfico, fixación de poboación, desenvolvemento rural, estratexias territoriais, plans e programas de fomento do emprego, emprendemento, proxectos con financiamento europeo, apoio ao tecido empresarial, desenvolvemento cara ao exterior e internacionalización dos sectores produtivos, migración, solidariedade internacional, axuda ao desenvolvemento e ODS, planificación estratéxica, etc... Ademais, estudará, con carácter residual, todos aqueles asuntos non atribuídos expresamente a outra comisión informativa permanente.

SEGUNDO.- Cada comisión estará integrada por doce membros, dos cales cinco pertencerán ao Grupo Popular, catro ao Grupo Socialista, un ao Grupo Bloque Nacionalista Galego, un ao Grupo Marea Atlántica e un ao Grupo Alternativa dos Veciños. O Presidente de cada comisión será designado por resolución do Presidente da Deputación, dando conta ao Pleno.

TERCEIRO.- Estas Comisións xuntaranse con periodicidade mensual nos días e horas nos que as propias Comisións determinen.

CUARTO.- A constitución, funcións, carácter e réxime de sesións da Xunta de Portavoces rexirase polo previsto no artigo 28 do Regulamento Orgánico da Deputación Provincial da Coruña (BOP nº 130, do 10 de xullo de 2018)."

9.- PROPOSTA SOBRE AS DELEGACIÓNS DE COMPETENCIAS DO PLENO NA XUNTA DE GOBERNO.

VOTACIÓN

Votan a favor: 17 deputados (11 do PSOE, 4 do BNG, 1 de Marea Atlántica e 1 de Alternativa dos Veciños)

Votan en contra: ningún deputado

Abstéñense: 14 deputados (PP)

ACORDO

O Pleno, por maioría, cos votos a favor do PSOE, BNG, Marea Atlántica e Alternativa dos Veciños e a abstención do PP, adopta o seguinte acordo:

"Visto que o artigo 48 do Regulamento Orgánico da Deputación Provincial da Coruña (RODC), concordante co artigo 71 do Regulamento de Organización, Funcionamento e Réxime Xurídico das Entidades Locais, aprobado por Real Decreto 2568/1986, do 28 de novembro (ROF), prevé que o Pleno poida delegar, en todo ou en parte, calquera das súas atribucións no Presidente e na Xunta de Goberno, agás as sinaladas na Lei 7/1985, do 2 de abril, reguladora das Bases do Réxime Local (LBRL) e no Texto Refundido das disposicións legais vixentes en materia de Réxime Local, aprobado por Real Decreto Lexislativo 781/1986, do 18 de abril (TRRL); vistos asemade os artigos 33.4 LBRL, 28.2 TRRL, 107.2 e 314.3 da Lei 5/1997, do 22 de xullo, de Administración Local de Galicia (LALGa),

Eleva ao Pleno a seguinte PROPOSTA de acordo:

O Pleno da Deputación Provincial acorda delegar na Xunta de Goberno as seguintes atribucións:

- A autorización ou denegación de compatibilidade do persoal ao servizo da entidade local para un segundo posto ou actividade no sector público, así como a resolución motivada que recoñeza a compatibilidade ou declare a incompatibilidade do citado persoal para o exercicio de actividades profesionais, laborais, mercantís ou industriais fóra da entidade local, ao que se refiren os artigos 9 e 14 da Lei 53/1984, de 26 de decembro, de incompatibilidades do persoal ao servizo das Administracións Públicas (ROF, art. 70.9).

A delegación das atribucións sinaladas inclúe, en cada caso, a facultade de resolver os recursos de reposición que puideran interpoñerse, rexerese especificamente polos artigos 86 a 90 RODC e surtirá efecto desde o día seguinte a aquel en que se aprobe, sen prexuízo da publicación no BOP para xeral coñecemento.

En calquera caso, queda excluída a delegación daqueles asuntos cuxa aprobación requira maioría absoluta ou calquera outra maioría cualificada. As competencias delegadas na Xunta de Goberno estarán suxeitas ao control e fiscalización do Pleno, tanto a través dos mecanismos ordinarios previstos na normativa local como dos extraordinarios, singularmente dos previstos no artigo 80 RODC, concordante co

artigo 106 ROF."

10.- PROPOSTA SOBRE O NOMEAMENTO DE REPRESENTANTES DA DEPUTACIÓN EN ORGANISMOS VARIOS.

VOTACIÓN

Votan a favor: 17 deputados (11 do PSOE, 4 do BNG, 1 de Marea Atlántica e 1 de Alternativa dos Veciños)

Votan en contra: ningún deputado

Abstéñense: 14 deputados (PP)

ACORDO

O Pleno, por maioría, cos votos a favor do PSOE, BNG, Marea Atlántica e Alternativa dos Veciños e a abstención do PP, adopta o seguinte acordo:

"Visto que o artigo 35 do Regulamento Orgánico da Deputación Provincial da Coruña (RODC), concordante co artigo 58 do Regulamento de Organización, Funcionamento e Réxime Xurídico das Entidades Locais, aprobado por Real Decreto 2568/1986, do 28 de novembro (ROF), atribúe ao Pleno a competencia para o nomeamento de representantes da Corporación en toda clase de órganos colexiados nos que deba estar representada, sen prexuízo da atribución xeral de representar á Deputación, conferida ao Presidente pola Lei 7/1985, de 2 de abril, reguladora das Bases do Réxime Local (LBRL, art. 34.1.b)

Eleva ao Pleno a seguinte PROPOSTA de acordo:

Nomear representantes da Corporación aos deputados/as que se indican nos organismos que a seguir se relacionan:

ORGANISMO	REPRESENTANTE/S
BIBLIOTECA DO REAL CONSULADO	D. JOSÉ XURXO COUTO RODRÍGUEZ
COMISIÓN DE SEGUIMIENTO DO CONVENIO DE COLABORACIÓN SUBSCRITO ENTRE A XUNTA DE GALICIA, A FEDERACIÓN GALEGA DE MUNICIPIOS E PROVINCIAS E AS DEPUTACIÓNS PROVINCIAIS EN MATERIA DE EMERXENCIAS E PREVENCIÓN E DEFENSA CONTRA INCENDIOS FORESTAIS, PARA A CREACIÓN E IMPLANTACIÓN DOS GRUPOS DE EMERXENCIAS SUPRAMUNICIPAIS	D. JOSÉ RAMÓN RIOBOO CASTRO
COMISIÓN GALEGA DE COOPERACIÓN LOCAL	D. VALENTÍN GONZÁLEZ FORMOSO
COMISIÓN GALEGA DE PROTECCIÓN CIVIL	D. JOSÉ BLAS GARCÍA PIÑEIRO

COMISIÓN INSTITUCIONAL NO MARCO DO PROTOCOLO DE COLABORACIÓN DE DESENVOLVEMENTO DO PACTO LOCAL PARA A XESTIÓN DO CICLO URBANO DA AUGA ENTRE A FEDERACIÓN GALEGA DE MUNICIPIOS E PROVINCIAS E A XUNTA DE GALICIA	D. JOSÉ RAMÓN RIOBOO CASTRO
COMISIÓN PROVINCIAL DE COLABORACIÓN DO ESTADO COAS CORPORACIÓNS LOCAIS	D. VALENTÍN GONZÁLEZ FORMOSO
COMISIÓN PROVINCIAL DE VIOLENCIA DE XÉNERO DA CORUÑA	Dª MARÍA DEL CARMEN MUIÑO FILGUEIRA
COMISIÓN SUPERIOR DE URBANISMO DE GALICIA	D. VALENTÍN GONZÁLEZ FORMOSO
CONSELLO DE ADMINISTRACIÓN DE PORTOS DE GALICIA	D. BERNARDO FERNÁNDEZ PIÑEIRO
CONSELLO DE ADMINISTRACIÓN DE XESTUR, S.A.	D. VALENTÍN GONZÁLEZ FORMOSO
CONSELLO REITOR DA AXENCIA TURISMO DE GALICIA	D. XOSÉ REGUEIRA VARELA
CONSELLO TERRITORIAL DA PROPIEDADE INMOBILIARIA DA CORUÑA CAPITAL E PROVINCIA.	D. JOSÉ MANUEL LAGE TUÑAS
CONSORCIO DO DEPÓSITO FRANCO DO PORTO DA CORUÑA	D. BERNARDO FERNÁNDEZ PIÑEIRO D. JOSÉ MANUEL LAGE TUÑAS D. ANTONIO LEIRA PIÑEIRO
CONSORCIO PROVINCIAL DA CORUÑA PARA A PRESTACIÓN DO SERVICIO CONTRA INCENDIOS E SALVAMENTO	D. VALENTÍN GONZÁLEZ FORMOSO D. XOSÉ LUIS PENAS CORRAL D. JOSÉ RAMÓN RIOBOO CASTRO
CRUZ VERMELLA ESPAÑOLA (Comité Provincial)	Dª ANA LAMAS VILLAR
FEDERACIÓN ESPAÑOLA DE MUNICIPIOS Y PROVINCIAS	D. VALENTÍN GONZÁLEZ FORMOSO
FEDERACIÓN GALEGA DE MUNICIPIOS E PROVINCIAS	D. VALENTÍN GONZÁLEZ FORMOSO
FONDO GALEGO DE COOPERACIÓN E SOLIDARIEDADE	D. JOSÉ RAMON RIOBOO CASTRO
FUNDACIÓN AXENCIA ENERXÉTICA PROVINCIAL DA CORUÑA (FAEPAC)	D. VALENTÍN GONZÁLEZ FORMOSO Dª CRISTINA CAPELÁN CANCELO Dª MARÍA DEL CARMEN MUIÑO FILGUEIRA D. JOSÉ RAMON RIOBOO CASTRO
FUNDACIÓN CAMILO JOSÉ CELA	D. VALENTÍN GONZÁLEZ FORMOSO
FUNDACIÓN ESCOLA UNIVERSITARIA DE RELACIÓNS LABORAIS DA CORUÑA (Padroado)	Dª CRISTINA CAPELÁN CANCELO
FUNDACIÓN EUGENIO GRANELL	Dª Mª MILAGROS CASTRO SÁNCHEZ
FUNDACIÓN EXPONAV	D. VALENTÍN GONZÁLEZ FORMOSO
FUNDACIÓN GALICIA - EUROPA	D. VALENTÍN GONZÁLEZ FORMOSO

FUNDACIÓN GONZALO LÓPEZ ABENTE	D. XOSÉ XURXO COUTO RODRÍGUEZ
FUNDACIÓN GONZALO TORRENTE BALLESTER	D ^a ANA LAMAS VILLAR
FUNDACIÓN PRIVADA DEMOCRACIA Y GOBIERNO LOCAL	D. VALENTÍN GONZÁLEZ FORMOSO
FUNDACIÓN ROSALÍA DE CASTRO	D. XOSÉ XURXO COUTO RODRÍGUEZ
FUNDACIÓN TERRA DE TRASANCOS	D ^a ANA LAMAS VILLAR
FUNDACIÓN UNIVERSIDADE DA CORUÑA - FUAC	D. JOSÉ MANUEL LAGE TUÑAS
INSTITUTO FEIRAL DA CORUÑA (IFECO) (Acordo plenario 16-09-2011)	D. JOSÉ MANUEL LAGE TUÑAS D. ANTONIO LEIRA PIÑEIRO
MESA PROVINCIAL DE COMERCIO LOCAL	D. JOSÉ BLAS GARCÍA PIÑEIRO
MUSEO ARQUEOLÓXICO DO CASTELO DE SAN ANTÓN (Padroado)	D. XOSÉ XURXO COUTO RODRÍGUEZ
MUSEO DO POBO GALEGO (Xunta Rectora)	D. XOSÉ XURXO COUTO RODRÍGUEZ
PARQUE NATURAL COMPLEXO DUNAR DE CORRUBEDO E LAGOAS DE CARREGAL E VIXÁN	D ^a SANDRA GONZÁLEZ CASTRO
PARQUE NATURAL DAS FRAGAS DO EUME (Xunta Rectora)	D. JOSÉ RAMÓN RIOBOO CASTRO
PARQUE NATURAL DAS ILLAS ATLÁNTICAS (Padroado e Xunta Consultiva)	D. XOSÉ REGUEIRA VARELA
RED ESPAÑOLA DE TURISMO INDUSTRIAL (RETI)	D. XOSÉ REGUEIRA VARELA
RESERVA DA BIOSFERA "MARIÑAS CORUÑESAS E TERRAS DO MANDEO"	D ^a CRISTINA CAPELÁN CANCELO D. BERNARDO FERNÁNDEZ PIÑEIRO D. XOSÉ REGUEIRA VARELA D. JOSÉ RAMÓN RIOBOO CASTRO
SECCIÓN DE EELL CON AGUAS MINERALES Y TERMALES DE LA FEMP	D. XOSÉ REGUEIRA VARELA

Os deputados/as nomeados/as polo presente acordo informarán sobre o funcionamento dos organismos nos que participan en representación da deputación, así como sobre a súa propia actividade no seo dos mesmos, sempre que sexan requiridos/as polo Pleno, polo Presidente ou pola Xunta de Goberno e periodicamente nos termos que estableza o regulamento orgánico.

11.- PROPOSTA SOBRE O RÉXIME DE RETRIBUCIÓNS E INDEMNIZACIÓNS DOS MEMBROS DA CORPORACIÓN PROVINCIAL

O Pleno adopta, por unanimidade, o seguinte acordo:

"Visto o disposto no artigo 75, 75 bis e 75 ter da Lei 7/1985, do 2 de abril, reguladora das bases do réxime Local (LBRL), no artigo 225 da Lei 5/1997, do 22 de xullo, de administración local de Galicia (LALGA), nos artigos 12 e 13 do Regulamento orgánico da Deputación Provincial da Coruña (RODC), no artigo 13 do Regulamento de organización, funcionamento e réxime xurídico das entidades locais, aprobado por Real decreto 2568/1986, do 28 de novembro (ROF) e no artigo 18 do Real decreto-lei 24/2018, do 21 de decembro, de medidas urxentes na materia de retribucións no ámbito do sector público,

Dirixe ao Pleno a seguinte PROPOSTA de acordo:

A).- Retribucións dos membros da Corporación en réxime de dedicación exclusiva total ou parcial:

A.1) Retribucións membros da Corporación con dedicación exclusiva plena:

Presidente (1) PSG-PSOE: As retribucións, en cómputo anual e contía, serán 71.523,20 €

Vicepresidente (1) BNG: As súas retribucións anuais serán de 63.000,00 €

Deputados/as do Grupo PSG-PSOE (7): As súas retribucións anuais serán de 60.426,57€

- Deputado Portavoz do Grupo
- Deputado responsable da área de Economía, Facenda, Especial de Contas, Persoal e Réxime Interior.
- Deputada da área de Benestar e Educación.
- Deputado da área de Promoción Económica e Asistencia aos Concellos.
- Deputada da área de Deporte e Mocidade
- Deputada con delegacións especiais en materia de Educación e Mocidade
- Deputado con delegación especial en materia de Asistencia aos Concellos.

Deputados/as do Grupo BNG (3): As súas retribucións anuais serán de 60.426,57 €.

- Deputado responsable da área de Cultura, Políticas de Igualdade de Xénero e Normalización Lingüística.
- Deputado da área de Contratación, Patrimonio Provincial e Equipamento.
- Deputada con delegación especial en materia de Políticas de Igualdade de Xénero e Normalización Lingüística.

Deputados/as do Grupo PP (2): As súas retribucións anuais serán de 60.426,57 €.

- Deputado/a Portavoz do Grupo.
- Deputado/a Viceportavoz do Grupo.

Deputado do Grupo Marea Atlántica (1): As súas retribucións anuais serán de 60.426,57€

- Deputado Portavoz do Grupo.

A.2) Retribucións membros da Corporación con dedicación exclusiva parcial:

Deputados/as do Grupo PP (2): As súas retribucións anuais serán de 30.213,28 €,

que corresponde cunha dedicación do 50 por 100 (media dedicación exclusiva plena).

- Na proposta do Grupo Político Provincial e na posterior Resolución da Presidencia, indícaranse as funcións, tarefas ou cometidos que motivan a asignación proposta.

As cantidades asignadas aos membros da Corporación con dedicación exclusiva ou media dedicación percibiranse mensualmente na parte que corresponda.

Polo tanto, para o ano 2019 os importes totais en cómputo anual das retribucións indicadas son os seguintes:

Nº	POSTO	RETRIB. ANUAIS POR POSTO	TOTAIS ANUIS ESTIMADOS
1	PRESIDENTE (PSG-PSOE)	71.523,20	71.523,20
1	VICEPRESIDENTE (BNG)	63.000,00	63.000,00
7	DEPUTADOS/AS DO GRUPO PSG-PSOE	60.426,57	422.985,99
3	DEPUTADOS/AS DO GRUPO BNG	60.426,57	181.279,71
2	DEPUTADOS/AS DO GRUPO PP (con dedicación exclusiva)	60.426,57	120.853,14
2	DEPUTADOS/AS DO GRUPO PP (con media dedicación)	30.213,28	60.426,56
1	DEPUTADO DO GRUPO MAREA ATLÁNTICA	60.426,57	60.426,57
17	TOTAIS		980.495,17

Estas cantidades revisaranse anualmente a partir do 01/01/2020 e actualizaranse na mesma porcentaxe na que aumenten ou diminúan de forma xeral as retribucións básicas dos funcionarios de carreira do grupo A1.

B).- Indemnizacións por preparación de asuntos e asistencia a sesións dos órganos colexiados da Deputación provincial:

Pola preparación de asuntos e concorrencia efectiva ás sesións de órganos de goberno da Deputación provincial, os membros da Corporación que non estean acollidos ao réxime de dedicación exclusiva, percibirán en concepto de asistencias os seguintes importes:

Sesións plenarias	591,00€
Sesións da Xunta de Goberno	370,00€
Reunións das Comisións Informativas	370,00€

Cando coincidan no mesmo día máis dunha sesión dos órganos colexiados descritos, terán dereito a percibir unha soa asistencia, polo que se tomará en consideración para

tal fin, cando así proceda, a de maior importe das realizadas.

A asistencia ás sesións formalmente convocadas dos órganos colexiados antes citados dará lugar á percepción dos gastos de locomoción desde a localidade de residencia dos deputados que non estean incluídos no réxime de dedicación exclusiva. Para tal efecto os deputados provinciais presentarán a relación das asistencias, e dos gastos de locomoción soportados para a concorrencia efectiva s sesións formalmente convocadas, no modelo que lles será proporcionado polo servizo de Recursos Humanos. A relación citada, xunto cos xustificantes oportunos de gasto e pago, formularase no prazo máximo dos dous meses seguintes ao seu devengo, para a súa tramitación e pago.

Ningún deputado poderá percibir máis de CATRO asistencias ao mes por sesións das Comisións Informativas, agás as do mes de setembro e aquelas que correspondan a sesións ordinarias non celebradas no mes anterior. Así mesmo, ningún deputado poderá percibir máis de dúas asistencias ao mes por sesións da Xunta de Goberno, agás as do mes de setembro, e aquelas que correspondan a sesións ordinarias non celebradas no mes anterior.

C).- Asistencias a sesións formalmente convocadas da Xunta de Portavoces, a mesa de contratación, a comisións de traballo ou tribunais de valoración dependentes desta Corporación.

Todos os membros da Corporación que se designen formalmente para formar parte de comisións de traballo, mesa de contratación ou tribunais de valoración de subvencións ou premios convocados por órganos dependentes desta Corporación, percibirán pola asistencia ás sesións formalmente convocadas que se celebren, as cantidades dispostas no anexo 4º, categoría primeira do Real decreto 462/2002, do 24 de maio e disposicións de desenvolvemento ou normas que con carácter xeral o substitúan, cando así se determine expresamente no acordo ou resolución de nomeamento.

A asistencia ás sesións formalmente convocadas dos órganos colexiados antes citados dará lugar á percepción dos gastos de locomoción desde a localidade de residencia dos deputados que non estean incluídos no réxime de dedicación exclusiva, que só percibirán os gastos de locomoción cando as sesións se desenvolvan fóra da xornada laboral.

Estas percepcións serán compatibles coas retribucións asignadas aos membros da Corporación con dedicación exclusiva, que só percibirán indemnizacións pola asistencia a sesións convocadas e realizadas integramente fóra da xornada laboral. No caso de deputados sen dedicación exclusiva, cando coincida unha sesión da Xunta de Portavoces/as, da Mesa de Contratación, da comisión de traballo ou tribunais de valoración coa sesión dun órgano colexiado provincial, só se percibirá a axuda de custo por asistencia a sesión do órgano colexiado da Deputación provincial

descrita no apartado B) da presente proposta.

D).- Indemnizacións por gastos ocasionados por comisións de servizos encomendadas a cargos electos.

En materia de indemnización por comisións de servizos rexerá o Real decreto 462/2002, do 24 de maio e disposicións de desenvolvemento ou normas que con carácter xeral o substitúan coas particularidades seguintes:

- a) Por aloxamento e gastos de viaxe en medios de transporte público, aboarase o importe do realmente gastado e xustificado documentalmente.
- b) Por manutención aboarase tamén o importe dos gastos efectivamente realizados sempre que o xustifiquen adecuadamente mediante facturas expedidas para o efecto, dentro dos límites de aplicación aos funcionarios do grupo A1.
- c) Cando a comisión de servizos de cargos electos inclúa tamén a funcionarios de carreira, persoal laboral ou eventuais, aplicaráselles a todos eles o réxime de indemnizacións establecido neste apartado para os cargos electos.

E).- As retribucións a que se refire o apartado A) terán plena eficacia e aplicaranse nos seguintes termos:

1. O presidente devengará as retribucións asignadas dende o día da súa elección e toma de posesión, é dicir, desde o día 1 de xullo de 2019.
2. O vicepresidente e os deputados/as do Grupo de Goberno percibirán as retribucións previstas cando se dean as tres condicións seguintes: se produza o seu nomeamento formal por resolución do presidente, acrediten os nomeados que reúnen as condicións para o desempeño en réxime de dedicación exclusiva e acepten expresamente o cargo, o que suporá o inicio das actividades encomendadas polo presidente nas que se fundamentan as retribucións correspondentes.
3. Os deputados/as de cada grupo político con dedicación exclusiva serán nomeados polo presidente a proposta dos grupos políticos correspondentes e as súas retribucións devengarase desde que se dean as tres condicións seguintes: se produza o seu nomeamento formal, coa indicación do cargo, funcións e tarefas que motivan a atribución do réxime de dedicación, acrediten os nomeados que reúnen as

condicións para o desempeño en réxime de dedicación exclusiva e acepten expresamente o cargo, o que suporá o inicio das actividades encomendadas nas que se fundamentan as retribucións correspondentes.

4. Co fin de poder cumprir os límites establecidos no artigo 75bis da Lei 7/1985, reguladora das bases de réxime local e nos artigos 28.3, 32 e 33 do Real decreto 462/2002, do 24 de maio, sobre indemnizacións por razón de servizo e no artigo 18 do Real decreto-lei 24/2018, do 21 de decembro, de medidas urxentes na materia de retribucións no ámbito do sector público, teranse en conta os seguintes criterios de actuación:

- a) Os deputados provinciais que desenvolvan os seus cometidos con dedicación exclusiva na Deputación provincial deberán achegar, antes do 1 de marzo de cada exercicio, ou no mes seguinte á data efectiva da finalización da súa dedicación exclusiva na Deputación, a declaración de todos os importes percibidos pola concorrencia a reunións dos órganos colexiados da administración e dos organismos públicos e de Consellos de administración de empresas con capital ou control público.
- b) Servizo de Persoal da deputación comunicaralles aos respectivos concellos o importe das asistencias percibidas polos deputados sen dedicación exclusiva na deputación, antes do 1 de marzo do exercicio seguinte a súa percepción, excepto no ano de finalización do mandato, que o farán no mes seguinte á súa data efectiva.
- c) Anualmente, no primeiro trimestre do exercicio, ou no mes inmediato posterior á finalización do mandato corporativo ou do cese da dedicación exclusiva na deputación, o Servizo de Persoal realizará as adecuacións oportunas para garantir o cumprimento dos límites legais establecidos nas normas de aplicación.

F).- Tramitarase o oportuno expediente de modificación de créditos no que se leven a cabo as adaptacións que permitan dotar os créditos dispoñibles suficientes para atender os gastos que as propostas que anteceden comportan nas aplicacións orzamentarias correspondentes.

G).- Publicar o presente acordo na forma establecida no apartado 5 do artigo 75 da Lei reguladora das bases de réxime local e no portal de transparencia da Deputación, de conformidade co establecido no artigo 8.1.f. da Lei 19/2013, do 9 de decembro, de transparencia, acceso a información e bo goberno e por analogía ao disposto no artigo 17 da Lei 4/2006, de 30 de xuño, de transparencia e boas prácticas na administración pública.

H).- O presidente da Corporación informará ao Pleno con carácter trimestral do cumprimento do previsto na presente resolución."

12.- PROPOSTA SOBRE A DETERMINACIÓN DO NÚMERO, CARACTERÍSTICAS E RETRIBUCIÓN DO PERSOAL EVENTUAL

INTERVENCIONS

Sr. García Seoane

Simplemente expresar, xa o comentei na anterior Corporación, eu entendo que o persoal que se nomea para apoiar os grupos políticos se retribúa, se lle dea un salario digno, etc., etc., pero o que si pido, e quero que conste en acta, porque senón tería que volver a facelo algún día en contra, é que o persoal que se nomee para traballar nesta casa, veña a traballar a esta casa, e non estea na casa e cobre na casa, porque estes casos se deron, cos gobernos anteriores do PP, e tamén se deron co goberno anterior. A saudar non, non podemos pagarlle a ninguén por vir a saudarnos, e os amigos está ben telos, pero cada un que os manteña á súa costa ou ao seu peto, pero a costa do público non, é dicir, que o que veña aquí, que están aí designadas vinte e sete persoas, teñen que vir a traballar aquí e non a saudarnos de cando en vez. Era o único que quería dicir. Vou votar a favor pero quero que quede constancia en acta isto.

Sra. Gallego Neira

Bo día a todos. Simplemente, porque chamoume a atención e un pouco para que conste en acta a incongruencia do representante da Marea Atlántica, porque resulta que se abstivo no primeiro punto que é o horario dos Plenos e votou a favor das retribucións cando dixo que non está de acordo, que conste. Desde logo, demagogia pura, porque se o código da Marea Atlántica dille o que lle di, que cobre unha parcial e que non cobre unha exclusiva.

Un grupo político dunha soa persoa, que a palabra grupo xa di bastante, e desde logo a proporcionalidade non se respectou, desde logo os medios se consideramos que son adecuados para todos os grupos, non proporcionais, porque o grupo maioritario é o Grupo Popular, que somos catorce, pero xa que se queixe a Marea Atlántica, eu dígolle que polo menos que se lea os puntos da orde do día e logo xa que vote en consecuencia.

Sr. Lema Suárez

Teño que recoñecer que votei inadecuadamente no punto que non era. Eu quería absterme no punto 11, e resulta que votei no punto 7. Eu creo que non ten sentido que agora retrotraíamos a votación a ese momento, eu pretendía absterme no punto 11, abstivenme no punto 7, por un erro meu na lectura da orde do día. Non sei se agora ten sentido retrotraer a votación, en todo caso asumo que é un erro meu. Se

se pode, en todo caso, volver votar.

Sr. Presidente

As votacións non se repiten

Sr. Lema Suárez

Lamento o meu erro, grazas.

Sr. Fernández Piñeiro

Sobre a argumentación que daba o voceiro da Marea Atlántica en canto a esa abstención, a min cólleme un pouco de sorpresa, en todo caso porque o número de dedicacións exclusivas increméntase pero con deputados que van levar xestión, que entendo que terán o mesmo dereito ca o voceiro da Marea Atlántica a ter unha dedicación exclusiva, é dicir, se un deputado xestiona unha área na Deputación, terá dereito a ter unha exclusiva. Que na anterior etapa houbera menos exclusivas, eran circunstancias persoais de cada un dos deputados, que así o decidiron, pero non acabo de entender moi ben cal é o motivo de que como hai máis xente cobrando dedicación exclusiva, nós ímonos abster porque antes cobraban menos as mesmas áreas. E por qué os voceiros temos que cobrar unha dedicación exclusiva e un deputado que xestiona unha área non?, cal é o criterio?, eu quedo abraiado, e estiven reflexionando desde que o comentou ata o de agora e non encontro o motivo polo cal, máis que porque por montante global sexa máis e queda moi ben dicilo, ou sexa, pero se estamos para dignificar a política e aquí hai deputados que xestionan áreas e, polo tanto, iso ocasiona, ademais dun traballo, unha responsabilidade patrimonial, penal, etc., etc., que poidan ter tamén no desenvolvemento das súas funcións, non entendo por que non poden cobrar.

E hai que recordar outra cousa, os que cobran exclusivas, non cobran axudas de custo, polo tanto, tampouco se incrementa o gasto de xeito ao louco e abruptamente, porque tamén imos aforrar en canto ás asignacións que se cobraban antes. En todo caso, síntome un pouco abraiado porque en ningún momento, nas negociacións que se levaron a cabo cos grupos se puxo de manifesto que houbera que ter un global máximo ou mínimo en canto aos gastos da Corporación, pero ben, cada un cos seus argumentos.

ACORDO

O Pleno adopta, por unanimidade, o seguinte acordo:

"En relación ao asunto de referencia, despois de consultados os Grupos Políticos provinciais e de conformidade co disposto nos artigos 22, 89, 104 e 104 bis da Lei 7/1985, do 2 de abril, reguladora das bases do réxime local (LBRL), no artigo 250 da Lei 5/1997, do 22 de xullo, de administración local de Galicia (LALGa), no artigo 12 do estatuto básico do empregado público aprobado pola Lei 7/2007, do 12 de abril, e nos artigos 20.1.d), 29 a 31 e 201 da Lei 2/2015, do 29 de abril, de emprego público de Galicia.

Dirixe ao Pleno a seguinte PROPOSTA de acordo:

1º.- O número, características e retribucións do persoal eventual da Deputación Provincial da Coruña será o seguinte:

Nº	CARACTERISTICAS (D.E. Dedicación exclusiva)	EQUIPARADO A		RETRIB. ESTIMADAS POR POSTO DE XULLO DECEMBRO 2019	RETRIB. ESTIMADAS ANUAIS POSTO A	TOTAIS ANUAIS ESTIMADOS
		GRUPO	NIVEL C.D.			
1	TÉCNICO CON D. E.	A1	28	32.518,80	65.037,60	65.037,60
8	TÉCNICOS CON D. E.	A1	25	28.748,53	57.497,06	459.976,48
8	TÉCNICOS CON D. E.	A2	22	21.938,19	43.876,38	351.011,04
5	ADMIVOS. CON D. E.	C1	20	17.607,65	35.215,30	176.076,50
5	AUXILIAR CON D. E.	C2	17	15.729,49	31.458,98	157.294,90
27	TOTAIS					1.209.396,52

O persoal eventual non percibirá ningún importe en concepto de complemento de produtividade.

As persoas designadas percibirán as retribucións asignadas cando se dean as tres condicións seguintes: Se produza o seu nomeamento formal por resolución do presidente, se especifiquen as funcións, tarefas e cometidos que xustifican o seu nomeamento e a atribución retributiva correspondente, se acredite polos nomeados que reúnen as condicións de capacidade e compatibilidade para o desempeño e se dea a aceptación expresa de cargo polo nomeado, o que suporá o inicio das actividades encomendadas polo presidente nas que se fundamentan as retribucións correspondentes.

Na resolución ou resolucións de nomeamento indicárase de forma xeral o contido das funcións, tarefas ou cometidos encomendados da Corporación provincial co contido que permita a súa posterior inclusión na relación de postos de traballo da Corporación (RPT)

2º.- As retribucións expresadas actualizaranse anualmente nos mesmos termos que se determinen para os postos de traballo de persoal funcionario, consonte coas previsións xenéricas que se establezan nos Orzamentos xerais do Estado.

3º.- Tramitar o oportuno expediente de modificación de créditos que permita a dotación suficiente para atender os gastos previstos. En todo caso o nomeamento do persoal eventual realizarase tomando como límite as dispoñibilidades orzamentarias efectivas existentes nas aplicacións orzamentarias correspondentes.

4º.- Publicar o presente acordo na forma establecida no apartado 5 do artigo 104.bis da Lei reguladora das bases de réxime local e no portal de transparencia da

Deputación, de conformidade co establecido no artigo 8.1.f. da Lei 19/2013, do 9 de decembro, de transparencia, acceso a información e bo goberno e por analoxía ao disposto no artigo 17 da Lei 4/2006, do 30 de xuño, de transparencia e boas prácticas na administración pública galega.

5º.- Os nomeamentos dos funcionarios de emprego, as súas retribucións e o seu réxime de dedicación será obxecto da publicidade indicada no parágrafo anterior.

6º.- O presidente da Corporación informará ao Pleno con carácter trimestral do cumprimento do previsto na presente resolución.

13.- PROPOSTA DE ASIGNACIÓN AOS GRUPOS POLÍTICOS PROVINCIAIS.

O Pleno adopta, por unanimidade, o seguinte acordo:

"O artigo 73.3 da Lei 7/1985, do 2 de abril, reguladora das bases do réxime local, dispón literalmente:

"O Pleno da Corporación, con cargo aos seus orzamentos anuais, poderá asignar aos grupos políticos unha dotación económica que deberá contar cun compoñente fixo, idéntico para todos os grupos e outro variable, en función do número de membros de cada un deles, dentro dos límites que, no seu caso, se establezan con carácter xeral nas Leis de orzamentos xerais do Estado e sen que poidan destinarse ao pago de remuneracións de persoal de calquera tipo ao servizo da Corporación ou á adquisición de bens que poidan constituír activos fixos de carácter patrimonial (...)

Os grupos políticos deberán levar unha contabilidade específica da dotación á que se refire o parágrafo segundo deste apartado 3, que porá ao dispor do Pleno da Corporación, sempre que este llo pida".

Na base 64 de execución do orzamento provincial do presente exercicio, regúlase exhaustivamente o réxime de asignacións aos grupos políticos provinciais cos importes máximos seguintes:

Fixo: Mil euros ao mes a cada grupo

Variable: Cento cincuenta euros por deputado ao mes

Coa finalidade de asegurar unha maior participación social na actividade representativa da Deputación e harmonizar a actividade dos grupos políticos provinciais coas esixencias da transparencia na actuación pública e de rigor na xustificación do destino dos fondos públicos, propónse tomar o seguinte acordo plenario:

1. Recoller nun vindeiro expediente de modificación dos créditos un suplemento de crédito no orzamento vixente, na aplicación orzamentaria 0000/912.02/480 "*Transferencias a familias e institucións sen fin de lucro - Grupos políticos provinciais*", unha dotación suficiente para fixar un financiamento aos grupos políticos provinciais cos seguintes compoñentes máximos:

- Fixo: Dous mil euros ao mes a cada grupo político.
 - Variable: Cincocentos euros por deputado ao mes.
2. O réxime xurídico, económico e de xestión do financiamento dos grupos políticos provinciais será o determinado nas Bases de execución do orzamento provincial que, en todo caso, recollerá o seguinte contido mínimo:
- a) Cada grupo político terá de solicitar na Axencia tributaria do estado o número de identificación fiscal coa denominación de “Grupo provincial ...”
 - b) Abrir unha conta bancaria ao nome do grupo e baixo o devandito número de identificación fiscal
 - c) Nomear a un membro do grupo coma autorizado para dispoñer dos fondos da conta bancaria e responsable da contabilidade do grupo, de facer as retencións tributarias que procedan e dar conta da xestión económica para o efecto de xustificar o destino dos fondos acadados. Admitirase uns rexistros contables por “partida simple” e a aplicación do principio de caixa.
 - d) O responsable contable do grupo terá de conservar a documentación xustificativa dos gastos, pagos e ingresos do grupo polo tempo que se fixe e por disposición dos órganos de control interno e externo que o precisen no exercicio das súas funcións legais esa documentación, así coma os seus rexistros contables e bancarios
 - e) Esta asignación non será compatible co financiamento público ou privado para a mesma finalidade, nin aplicarse ao financiamento dos partidos políticos presentes na Corporación provincial
 - f) O pagamento será trimestral e terá a natureza de pago a xustificar. Os pagos periódicos esixirán a xustificación documental dos fondos recibidos no período anterior. En calquera caso, haberá unha xustificación dentro dos primeiros dez días do mes de decembro de cada exercicio e procederá, no seu caso, o reintegro dos fondos non aplicados á súa finalidade nesa data.
 - g) Os pagamentos terán de facerse utilizando uns medios -transferencia bancaria, tarxeta de débito ou crédito, talón bancario ou cheque nominativo- que aseguren o seu rexistro na conta bancaria do grupo e a identificación do seu destinatario. Só, excepcionalmente, se admitirá o pago en efectivo para importes inferiores a cen euros e sempre deixando constancia documental da efectividade do pago ao terceiro debidamente identificado.
 - h) Cada xustificación periódica será informada pola Intervención provincial e aprobada mediante resolución do presidente
 - i) A documentación xustificativa dos pagos aos grupos e a súa tramitación publicarase no Portal da transparencia da Deputación co contido permitido pola lexislación vixente.

Informarase ao Pleno provincial dos importes satisfeitos e os xustificados perante

o exercicio económico, co gallo da presentación da liquidación anual dos orzamentos.

3. Coa composición política actual da corporación provincial resultan as asignacións que se indican:

Grupo Político	Nº	Contía variable	Contía fixa	Total mes	Total trimestre	Total semestre	Total ano
PP	14	7.000,00	2.000,00	9.000,00	27.000,00	54.000,00	108.000,00
PSOE	11	5.500,00	2.000,00	7.500,00	22.500,00	45.000,00	90.000,00
BNG	4	2.000,00	2.000,00	4.000,00	12.000,00	24.000,00	48.000,00
Alternativa dos Veciños	1	500,00	2.000,00	2.500,00	7.500,00	15.000,00	30.000,00
Marea Atlántica	1	500,00	2.000,00	2.500,00	7.500,00	15.000,00	30.000,00
Totais	31	15.500,00	10.000,00	25.500,00	76.500,00	153.000,00	306.000,00

4. Os novos importes do financiamento dos Grupos Políticos Provinciais serán efectivos a partir da vixencia do expediente de modificación de créditos no que se suplemente o correspondente crédito orzamentario. O primeiro pagamento cos novos importes será proporcional ao período de tempo que corresponda por mensualidades completas.

Non tendo máis asuntos que tratar, remata a sesión, ás 12:20 horas, redáctase a acta e autorízase a súa transcripción, que asino co Ilmo. Sr. presidente, de todo o cal, eu, o secretario, dou fe.